

raportascha Tuatschina «Brev da lecturs» / (Tumaisch Valier)

BREV DA LECTURS

Patratgs concernent la gronda lavur voluntaria

Gia dapi in pulit temps s'occupeschel jeu cun las immensas purschidas voluntarias. Senza quels survetschs gratuits mass la communitad aunc dapli en decadenza e las personas els onns vegnessen aunc dapli isoladas. Leutier dattan quellas purschidas a personas setratgas neutier la pussevlladad da s'integrar.

Tumaisch Valier

Ella Val Tujetsch vegn ei prestau nundetg bia lavur voluntaria e purschiu massa sentupadas. Senza gronda tema, han ils biars da nus il sentiment che quei succedi da sesez; seigi quei pil beinstar politic, social, cultural, sportiv, religius, familiar ed eav..

Per stridar negin, desistel sappientivamein da numnar ina ni l'autra persuna. Schegie ch'entginas singulas personas prestan immensa lavur.

Denton selubeschel da numnar in'uniun ch'ei fetg innovativa ed engaschada; numnadamein l'uniun da dunnas.



Tgi che s'engascha e stat alla testa da quell'uniun ei nudau ella pagina d'internet da quella uniun. Ella porchia biaras occurrenzas e quei per part duront il di, schegie che tuttas dunnas da quella suprastanza e gidontras han tier la famiglia aunc ina occupaziun bunamein cumpleina.

Entras las differentas purschidas sco per exempel ils cuors da dar troccas, la sentupada meinsila cun dar troccas, jass ni semplamein per star da cumpigina carmala mintgamai in grond diember.

Mei ha ei fatg surstar contas personas da lieunga tudestga, setratgas neutier pèr dacuort, prendan cun grond anim e plascher part a quellas occurrenzas.



BREV DA LECTURS

Ed entginas da quellas personas han dau d'entelgir ch'ellas seigien fetg surstadas d'anflar entras quellas occasiuns aschi dabot il contact culs «indigens».

Gronda menziun ed in special laud merala «il festival a favur dalla solidaritad» che l'uniun da dunnas da Tujetsch ha organisau ils 8 da mars, il «di internaziunal dalla dunna». Sco vegniu rapportau ella Quotidiana han dunnas da differentas regiuns e tiaras purschiu specialitads da lur «origin». Ch'ellas han dau alla dunna dall'Ucreina la pussevlladad da sepresentar ei ord mia vesta in fetg bi gèst. Quei ha segiramein dau a quella famiglia fugitiva in pintga enzenna da solidaritad. Denton sco gia menziunau ha in grond diember dallas dunnas dalla Val priu part a quell'oreifra purschida. Quei dat a quella suprastanza igl anim da porcher vinavon specialas occurrenzas. Co fuss ei d'organisar ina semeglianta occasiun per tutta populaziun en connex cun la rogaziun federala. En scadin cass seporschel jeu da segidar ad organisar ina tala purschida!

Entras la constituziun communal ch'ei gest ida en vigur, han ils vischinadis buca pli las medemas incumbensas e vegnan probabel aboli. Denton dat ei senza regulativs e leschas vinavon la pussevlladad d'organisar spontanias e nuncumplicadas occurrenzas da vischinadis e quartiers. Tier da quellas spontanias occasiuns stattan ord mia vesta adina avunda personas a disposiziun. Ei sto denton vegnir plidentau persunalmein las differentas personas. Entas da quels eveniments dat ei adina puspei contacts cuzzonts. Ed jeu astgel sincerar ch'il contact persunal vegn schazegiaus per la gronda part dallas personas ch'ei setratgas neutier ni che possedan localitads ella Val.

Resumond engraziel jeu aunc ina gada ad in e scadin che s'engascha pil beinstar ella Val e recamondel da cuntinuar cun las differentas purschidas che muntan bials gèsts.

Nossas purschidas

Competenta organizaziun da tuttas sepulturas
Gronda elecziun da vischals ed urnas
Transports da bara dapertut

FURGER
SURVETSCH DA BARA

Furger Survetsch da bara
Via da scola 4
7180 Disentis/Mustér

Telefon: 081 936 44 44
WEB: WWW.Bergbestattung-schweiz.ch
Mail: info@bergbestattung-schweiz.ch

DISENTIS CADI SURSELVA
081 936 44 44